

ԲՐԱՄՈՒ ՄԱՐԳԸ ԵՎ ՆՐԱ ԷԿՈԼՈԳԻԱՆ ՀՐԱՋԳԱՆԻ ԿԻՐՃԻ
ՔԱՐԱՅՐ-ԿԱՑԱՐԱՆՆԵՐՈՒՄ

Հ. Ա. ԱՋԻՋՅԱՆ

Հրազդանի կիրճի ստորին, միջին և վերին պալեոլիթի նյութական բուլոբ մնացորդները բացառապես մարդու գործունեությանն են վերաբերում. մարդու բրածո ոսկորները պատկանում են երրորդական ու չորրորդական դարաշրջանին, նրանց տարբեր կուլտուրական շերտերին: Մեծ մասամբ այդ ժամանակաշրջանին են վերաբերում կայծքարից, թելթաքարերից, ավազաքարերից, բազալտից, պորֆիրիտից, վանակատից պատրաստված զանազան գործիքները՝ մուրճեր, բրիչներ, դանակներ, կացիններ, սղոցներ, քերիչներ, տրորիչներ, ձեռքի հատիչներ, սրածայրեր: Այդպիսի գործիքներով համեմատաբար ավելի հարուստ են Հրազդանի կիրճի անձավներն ու Արարատյան դաշտում հայտնաբերված բաց կացարանները: Քաղաքի տարածքում նման քարայր-կացարանների առկայությունը հազվադեպ է¹: Հրազդանի կիրճի անձավները և Ազատ գետի կիրճի լավային ու մասամբ կարստային (դոռադարա) քարայրները մի տեսակ քարեդարյան թանգարաններ են, որոնցում գտնվել են նախնադարյան մարդու բրածո մնացորդներ ու գործիքներ, ինչպես և առ այսօր տարածված, մարդուն հատուկ, վտանգավոր հիվանդությունների օջախներ:

Հայկական լեռնաշխարհը հիմնականում առաջացել է կայնոզոյան դարաշրջանի երրորդական ու չորրորդական շրջանի լեռնակազմական պրոցեսների հետևանքով: Հրաբուխները նշանակալից դեր են խաղացել բարձրավանդակի ռելիեֆի ձևավորման, նպաստավոր է կոկլիմայի ստեղծման խնդրում, որտեղ ծագել, զարգացել ու ապրել է մարդը: Հրազդանի կիրճի քարայրաբնակը պարագիտ կենդանիներից՝ «սիմբիոտիկ» կյանքից ազատվելուց հետո, գետի հովտում, անձավի հրապարակում կամ անձավում կառուցել է պարզունակ հյուղակ. այդպիսիների հետքերը կան այսօր Երևան—1, Քանաքեռ—4, Ամո—1 ու Զովունի անձավներում:

Հրազդանի կիրճի հրաբխային անձավներում տասնյակ հազարավոր տարիներ առաջ բնակվող մարդուն, կենդանիների ոսկորներին, մարդու պատրաստած գործիքներին ու զենքերին, ապրելակերպին ու միջավայրին, ինչպես նաև այդ անձավներում բուն դրած տղային հետադարձ տիֆի սպունտան օջախներին մենք անդրադարձել ենք դեռևս 1956 թ.²: Մեզ հաջողվել է Երևան—1 և Ամո—1 անձավներում հայտնաբերել օրնիթոգորոսների ու միջատների խիտինային մնացորդներ միջին և վերին պալեոլիթյան շերտե-

¹ Հայտնի է նաև Ֆրանսիայի Դորդոն (Dordogne) քաղաքի Վեզերի հովտի Լե Մուստիե (Le Moustier) անձավը, որտեղ հայտնաբերված է 15—16 տարեկան նեանդերթալյան պատանու կմախքը 4քված վիճակում: Տե՛ս Գ. Փ. Բյտտել-Քեյսեն, Из истории происхождения человечества (первобытный человек до и во время ледниковой эпохи в Европе), М., 1913, с. 54.

² Գ. Ա. Աճիզյան, Новые очаги клещевого возвратного тифа в Армении, «Сборник научных трудов Арм. гос. заочного пединститута», 1956, № 3, с. 103—110.

րից և բրածո մարդու իրանի, վերջավորությունների ոսկորներ ու գանդ, նրա պատրաստած քարե գործիքներ, ինչպես նաև կաթնասունների, թռչունների ոսկորներ:

Անհրաժեշտ է նշել, որ դեռ մարդու գոյությունից միլիոնավոր տարիներ առաջ և առ այսօր քարայրները հանդիսանում են որոշ հիվանդությունների ծխացող օջախներ: Ornithodoros verrucosus տիպը անձամերում հոմինիդի հետ համատեղ գոյություն է ունեցել միլիոնավոր տարիներ: Կարճ ժամանակում հոգվածոտանին մեծ քանակով արյուն է ծծում: Հայաստանի լեռնաբնիկների մարմնի խիտ մազածածկույթը խոչընդոտել է օրնիթոդորոսների արագորեն կպչել վերնամաշկին ու ծծել արյունը, մարդը կարողացել է մազերի վրա ոչնչացնել նրանց մի մասը: Պահպանվել են այդ տեսակի արագ արյուն ծծող ձևերը (նկ. 1):

Հոմինիդի էկոլոգիական միջավայրի համար կարևոր են քարայրի առաստաղի, պատերի վրա ջրի կաթիլներից անջատված ու կուտակված սառչող գոյացությունները: Երևան—2 քարայրում առկա են փոքրիկ սյունակերպ ստալակտիտներ 4—5 սմ երկարությամբ, պտկաձև ստալակտիտներ, որոնց վեներոնում գոյացած անցքերից ջուր է կաթում, ինչպես նաև սանրաձև ստալակտիտներ: Կարբոնատները և հալիտները հոսելով քարայրում գտնվող ոսկորների և բույսերի վրա, նպաստում են նրանց արագ ֆոսիլիզացմանը: Այդ աղային գոյացությունները, շրջապատելով տերևացողունային մամուլները, առաջացնում են մինչև 5 սմ երկարությամբ տրավերտինակերպ ճյուղավորված գոյացություններ: Հրազդան և Աղատ գետերի կիրճերի որոշ անձամերում ստորերկրյա ջրեր դուրս է գալիս մակերես և գոլորշիները, հագենալով հալիտներով ու այլ աղերով, առաջացնում են մեղմ էկոկլիմա, որը դրական ազդեցություն է թողնում վերին շնչական ուղիների հիվանդություններով տառապողների վրա:

Հրաբխային լավայից էրոզիոն, սուլֆոդիոն, էոլեային, անթրոպոգեն, փլվածքային և հեյզերյան ճանապարհով առաջանում են տարբեր ձևերի քարայրներ: Հայաստանի քարայրները ավելի հաճախ համակցված ծագում ունեն: Անգյուտ է Քանաքեռ—4 երկհարկանի, երեք խուցերով անձավր: Քարայրների պալինոլոգիական անալիզը ապացուցում է, որ պատմական ունցյալի շորորոդական դարաշրջանում Երևան—1, Ամո—1 և Զովունի անձամերների բաց լանդշաֆտում էկոլոգիական տեսակետով գերակշռել են կիսաանապատային խոտազգի քսերոֆիտներ, ուր գոյություն է ունեցել նաև մեզոֆիլ կենդանի: Այլևի խոր շերտերում հանդիպում են խիստ ցրտադիմացկուն փշատերև ծառատեսակներ, ինչպես և բաց տաքածություններում ու անտառներում բնակվող կենդանիների մնացորդներ:

Մշակութային շերտերի նստվածքների բնույթով որոշվել է անձամերի և շրջակայքի մոտավոր պալեոէկոլոգիան՝ ցուրտ, կիսացուրտ, բարեխառն, չոր և տաք: Հայտնաբերվել են կայնոզոյան դարաշրջանի 10 միլիոն տարուց էլ վաղ գոյություն ունեցող սարմատներից քարացած ծովային սպունգներ, չճյուղավորված, խութեր գոյացնող գաղութավոր կորալներ, փորոտանի փափկամորթներ: Զովունի քարայրում գտնվել է քարացած Hexacorall, որը ապրել է $+18-20^{\circ}\text{C}$ միջավայրում, 50—60 մետր խորություն ունեցող ծանծաղուտներում: Ամո—2 քարայրից հայտնաբերվեց քարացած Natica sp., սաղաֆաբեր փորոտանու տհաս ձևը (Juvenis):

Ուսումնասիրված 15 քարայրներից 12-ում հայտնաբերվել են հոմինիդի գործունեության հետքեր, որոնցից 8-ում գտնվել են օրինթոդորոս տվեր, իսկ 5 անձավում՝ տղային հետադարձ տիֆի գործող վտանգավոր օջախներ. երևան—1 անձավի խոր, մշակութային շերտերից մեկում հայտնաբերվել է նախնադարում քաղցրահամ ջրերում ապրող բազյազա սպունգի կայծքարալին կմախքը: Այդ տեսակը այսօր ապրում է Մեծամոր լճում (այժմ Ակնալիճ) և Եղվարդի աղբյուրներից սկիզբ առնող գետակում:



նկ. 1

Մարդը Հրազդանի կիրճի անձավներն օգտագործել է իբրև բնակարան, քարից գործիքներ սլատրատելու «արհեստանոց», որսակալան, թաքստոց, դամբարանադաշտ: Որինակ, Ամո—1 անձավին կից կարմիր բերդ հրվանդանի բրոնզեդարան, ապա և միջնադարյան բնակատեղիում, հնարավոր է նաև քարի



նկ. 2

դարում, հանգուցյալները երբեմն թաղվել են քարայրում: Պարզվում է, որ վաղ, զարգացած և ուշ միջնադարում որոշ քարանձավներ օգտագործվել են իբրև սրբավայր-մատուռ: Այդպիսին է Քանաքեռի հիդրոէլեկտրակայանի մոտ գտնվող անձավը: Դրան կից մեկ ուրիշ անձավ զրսից ունի առանց շաղախի բազալտից շարվածք, բարձր կիսաքանդ պատ և գետնափոր ղաղտնի դռնակ: Կարելի է ենթադրել, որ անձավը հայ բնակչության համար վաղ դարերում թաքստոց է եղել (հատկապես XIV—XVIII դդ.) զանազան հիվանդներից խուսափելու համար: Քարայր-թաքստոցին կից հսկա որձաքարի վրա փորագրված են յոթ անհավասարաթև խաչեր, որոնք բավականին լավ են պահպանվել: Քառից 3 մետր հեռավորությամբ գտնվում է քրիստոնեական պաշտամունքի քարայր-մատուռը, որի դրսի և ներսի պատերի վրա փորագրված են հասարակ, հավասարաթև՝ հավանորեն հունական ու անհավասարաթև՝ թերևս բյուզանդական ու լատինական, ինչպես և գեղեցիկ զարդաքանդակներով 30 խաչեր, որոնք բացահայտում են դրանց զարգացման պատմությունը: Հավասարաթև խաչերից մի քանիսը համարյա հողմնահարվել են: Քարայր-մատուռը բաղկացած է երեք խուցերից, որոնց միջնապատերի շարվածքը դարձյալ առանց շաղախի է: Ժողովուրդը գաղտագողի խունկ է ծխել քարայր-մատուռի երրորդ խցիկի՝ սրբարանի կրակարանում: Հազիս լեռան

լանջին առկա է մեկ ուրիշ քրիստոնեական քարայր-մատուռ, որի ճակատա-
յին հատվածում փորագրված են անհավասարաթև խաչեր:

Հայկական լեռնաշխարհի նախաբնիկների օրրաններից մեկի՝ Հրավա-
նի կիրճի Զովունի քարայր-կացարանի առաստաղից և մասամբ հատակից
պեղվել են մարդանման էակի՝ մասամբ մանգոսի դենդրիտներով (սև լաբա-
ներով ծածկված, որը բնորոշ է նախնադարյան՝ խիստ վաղեմի ոսկորներին)
պատված, ֆոսֆորիզացված և հիպերտրոֆիայի ենթարկված գանգի մախաթա-
ձև ելուստ, անրակոսկր, կրծոսկր, կողոսկրներ, սրբահոսկր, մատների ծա-
լային կարճ և հաստ ֆալանգներ՝ նման նեանդերթալյան մարդու ծայրան-
դամներին, ինչպես և բաղմաթիվ քարացած երկար ոսկորներ, բուսական
ծագման ֆիտոլիտարիաներ, երկարավուն խողովակաձև գոյացություններ՝
աբիոգեն-տրավերտին և գունավոր մերգելներ (նկ. 2): Առաստաղից պեղվել
է բիոգեն՝ անելիզ քարացած որդերի մնացորդներ, սրունք բնորոշ են տաք և
ծանծաղուտ ջրավազաններին: Հանքային, կալցիումային ծագումով ցանցա-
ձև շլիհները (երականման հոսքեր) թափանցել են քարայրի առաստաղից
կախված անդեզիտա-բազալտի հսկա գոյակցությունների արանքները:
Առաստաղից պեղվել է քսենոլիտ՝ անդեզիտա-բազալտի մի հատված, որի
մեջ առկա է բավականին երկար խողովակաձև (ossa longa s. tubulosa)
ոսկոր. հավանորեն այն արդեն իսկ նախքան հրաբուխը քարացել էր, պահ-
պանելով իր սպիտակ գույնը, հակառակ դեպքում ոսկորը հրահեղուկ լավայի
7500—2000° ջերմությունից անմիջապես կածխանար: Դրանց կից գտնվել են՝
եղջերուի քարացած եղջյուրներ, նապաստակի թաթոսկր, արծվի թաթի ֆա-
լանգն իր ճանկով: Զովունի քարայրի մուտքի հրապարակի հումուսի շերտից
պեղվել է անտիկ ժամանակի խունկ ծխելու ընկուզաձև կավե թրծած խողո-
վակ, միջնադարյան առաջին շերտից՝ ամպագույն ջնարակով երկու ձեթի
ճրագ (նկ. 3), երկրորդ շերտից, որից ցած նախահրազդանի հունն է, պեղվել
է թափանցիկ վանակատի երկարավուն մի թիթեղ, որի թիկնամասը մշակ-
ված է ու կրային նստվածքով պատած, սուր ծայրը օգտագործման հետքեր
ունի: Գոթծիքը միջին պալեոլիթի՝ մուստիեի դարաշրջանին է պատկանում:

Հայտնագործված նյութերը հնարավորություն են տալիս նախաբնիկնե-
րի հեռավոր անցյալի էկոլոգիան ուսումնասիրելու համար: Անձավում առկա
է Հրազդան գետի նախկին հունի, պալեոհրազդանի հետքեր: Միաբնից ջրիմուռ-
ների պատյանների, ֆիտոլիտարիաների, ինչպես և որձաքարի մեջ ներառնը-
ված ոսկորի ֆրագմենտի հայտնագործումը Զովունի անձավում խոսում է
այն մասին, որ տվյալ լանդշաֆտում, նախքան չորրորդական հրաբուխը,
հավանաբար Չարենցավանի կողմից, հոսել է պալեոհրազդանը, ինչպես և
այն, որ այդ վայրերում արդեն իսկ բնակվել են մարդանման էակներ:

Բավականաչափ նյութեր են հավաքվել տեղի լանդշաֆտի ֆլորայի վե-
րաբերյալ: Քարայրաբնակ մարդուն շրջապատող բուսականությունը օգտա-
գործվել է որպես պտուղ, համեմունք, ախորժակաբեր, եթերայուղ, ֆիտոն-
եիզ, ճիճվամուղ, արյան ճնշումն իջեցնող, ցավազրկող և այլն: Վայրի դեղա-
բույսերի բուժական հատկությունների իմացությունը, հավանաբար, շու-
մերներից փոխանցվեց բաբելոնացիներին, արմեններին, ասորեստանցիներ-
ին. եգիպտացիները և հույները փոխ առան նրանց փորձը, ներդրեցին նաև
իրենց գիտելիքները և հիվանդությունները բուժելու իրենց սկզբունքները:
Հրազդանի կիրճի որոշ հատվածներում աճող յավշան բույսը (*Artemisia*

erivanica Grossh) իր հեմիինտոցիդ նյութերով հողում ոչնչացրել է մարդու և կենդանու պարազիտ որդերին: Հայաստանում չի բուսնում կյանքի արմատ (ժենշեն) բույսը, սակայն կյանքը երկարացնելու հատկությամբ է օժտված որոշ անձավ-կացարաններում և նրանց շրջապատում բուսնող լոշտրակը (Bryonia alba L.)³:

Զովունի անձավում պեղված ուշ միջնադարյան կճուճի մեջ պանրի սոխուկի հետքը, ինչպես և քարայրի հումուսի շերտի մեջ գոմաղբի առկայությունը (բասմա) վկայում են տեղաբնիկների անասնապահությամբ զբաղվելու մասին: Այսօր Զովունի քարայրի շրջակայքում անհայտ ժամանակներից բուսնում է գետնախնձոր պալարապտուղը: Այդ բույսը Հայաստանում հայտնի է դեռևս մ. թ. V դարից՝ Մովսես Խորենացին այն անվանում է «տոմալան», իսկ Ամիրդովլաթ Ամասիացին 1484 թ. գրել է, որ գետնախնձորը մարդու վրա առողջարար ազդեցություն է թողնում: Զովունի քարանձավում բրածո մարդանման էակի ֆոսիլիզացված կրծոսկրի վրա նկատվում է բորբոքային երևույթների հետևանքով առաջացած ներծծում: Ոսկրային հյուսվածքի բորբոքման երևույթների հետևանքով սրբանոսկրի ձախ կողմում նկատվում է ապստում և քայքայում:


Ամո—1 քարայր-կացարանում մարդու գործունեության հետքերը նոր քարի դարից ավելի վաղ են, նրանք հասնում են ուշ քարի դարին, գուցե և ավելի վաղ՝ միջին պալեոլիթին: Կացարանի հրապարակից հայտնաբերվեց զարգացած աշելյան ժամանակի բարձր տեխնիկայով, սև վանակատից պատված, քարայրում լավ պահպանված ձեռքի եզակի նշակերպ բիֆաս-հատիչ: 150—177 սմ խորության վրա հայտնաբերվեց երկու շեղբ՝ մեկի վրա առկա է ուժեղ հարվածի թմբիկ: Մյուս շեղբը ունի լայն հարվածի հրապարակ: Պեղվել է և մեկ փոքրիկ կտցակերպ ծայրով, երկկողմանի հազիվ նըշմարելի ֆասետներով գործիք: Քարի դարի մասնագետների կարծիքով ալդ վանակատե փոքրիկ գործիքները, որոնք անձավում մարդու գանգի ու կմախքի բարձրության վրա են գտնվել, պատկանում են վերին քարի դարին. հավանաբար նույն դարաշրջանին պետք է վերագրել նաև ոսկրանյութը: Մարդու կմախքի ոսկորները պատված են մանգանային սև գույնի դենտրիտներով, որոշ ոսկորներ արդեն ֆոսիլիզացվել են, ատամնաշարը ունի մի քանի արխաիկ հատկանիշներ՝ տղամարդու ստորին ժանիքը երկարամատ է ու մասսիվ, ստորին երկրորդ նախասեղանատամի էմալային կամքիկը կապում է վեստիբուլար և լինգվալ թմբիկները, հիպոկոնոսը խիստ զարգացած է, պրոտոկոնոսի գիստալ էլեմենտը նույնպես զարգացած է: Դեմքը նեղ է, պրոգնատիզմը՝ լավ արտահայտված, ճակատը պռակած:

Քարի դարում անձավում մարդ է ապրել, իսկ ավելի ուշ այն դարձել է դամբարանադաշտ: Ամո—1 քարայրի 45 սմ խորության շերտից պեղվել է բազալտե նշաձև, հսկա, եզակի հատիչ, մակերեսները համարյա հարթված ջրի հոսանքի պատճառով, մշակման հետքերը հազիվ են նշմարվում, գործիքը շելյան զարաշրջանի է: Այդ քարայրից պեղված ոսկորների ախտաբանա-պալեոնտոգենոգրաֆիական պատկերը ցույց է տալիս ուսահոդի և թիակի անկիլոզ-անշարժացում և դեֆորմացիա, անհավասարաչափ սկլերոզ, նույնը ցույց է տալիս ունտոգենը նախաբազկի և անրակի վրա: Քարայրում պեղված վերին պալեոլիթյան տղամարդը տառապել է օստեոմիելիտով (ոսկ-


³ А. Л. Тахтаджян, А. А. Федоров, Флора Еревана, Л., 1972, с. 107.

րների թարախահոսություն), ունեցել է կարիող ատամներ⁴։ Ամո—1 քարայրից պեղված կնոջ վերին ծնոտի կարծր քիմքում Foramen incisivum-ը բացվում է մեկ անցքով, քթի տանձաձև բացվածքների կողմից անցքերը զույգ են, որտեղով անցնում է եռարմատ ներվը։

Երևան—1 քարայրում հայտնաբերվել են մեծ թվով գործիքներ և ավելի քիչ թվով տաշեղներ, ծլեփներ, միջուկներ, շեղբեր։ Այս քարայրը հումքի աղբյուրից հեռու է ընկած, հետևաբար քարայր-արհեստանոցում պատրաստված գործիքները դաշտ են տարվել որսի և այլ նպատակներով ու նորից հետ բերվել (նկ. 4)։ Որպես գործիքներ օգտագործվել են նուկլեոսներն ու մյուս թափոնները։ Երևան—1 կացարանում հայտնաբերված հյուղակը կենտրոնում



Նկ. 3



Նկ. 4

ունի օջախ, որի ածուխի հասակը ռադիոածխածնային եղանակով որոշվել է 48 հազար տարի։ Քարայրում պեղվել են ռեզիդյուրի, քարանձավային արջի, իշաձյամի, վայրի ցուլի ոսկորներ։ Վերջինս հայտնաբերվել է մի քանի կուտուրական նստվածքներում և Հայաստանում ապրել է մինչև բրոնզի դարի վերջը։ Ռեզիդյուրը սովորաբար ապրել է տաք և ճահճոտ վայրերում և հանկարծ երևացել է Հայկական բարձրավանդակում, լեռնային բեզդարյան այծի հետ⁵։

Արմենոիդի վաղուց սկսված ձևաբանական կազմավորման պրոցեսը մ. թ. ա. IV, III և II հազարամյակներում արդեն բավականաչափ առաջադիմել էր։ Այդ տեսակետով նրա տիպը՝ մուգ մաշկը, ասուրական մորուքը և հատկապես մարմնի խիտ մազածածկությունը, գլխի մազերի մուգ գույնը և շափավոր զանգրուկությունը, քթոսկրերի բարձրությունը, առաջքթային փուշը, տանձաձև բացվածքի ձևը սահմանազատվում էր այլ ֆիզիկական կերպարներից։ Հավանորեն նեոլիթում (մ. թ. ա. VI—III հազարամյակ) լեռնաշխարհի տոհմական համայնքները կապված են եղել միմյանց հետ։ Նրանց մոտ զարգացած էր ուռեգործությունը, մանածագործությունը, բրուտագործությունը

⁴ Д. Г. Рохлин, Болезни древних людей. М.—Л., 1965, с. 278—281.

⁵ Н. К. Верещагин, Млекопитающие Кавказа, М.—Л., 1969, с. 430.

ներ. ավազախառն կավից պատրաստում էին պարզունակ ամաններ, նախշում պարզ զարդանկարներով ու թրծում: Պալեոլիթյան քարե սլաքը նոր քարի դարում փոխեց իր ձևը, նմանվելով ծայրապանակի, ամրացվեց նետի ծայրին՝ վերածվելով որսորդական ու մարտական հեռահար զենքի մի մասի: Հայկական բարձրավանդակի տեղաբնիկները, գուցե և նոր քարի դարից էլ վաղ, իրենց մշակույթով ու մարդաբանական տիպով կազմեցին մի ամբողջականություն. որն անհերքելիորեն ապացուցված է Շումերում հայտնաբերված արձանիկների բեկորներով, եգիպտական հուշարձանների վրա նկարված խեթարմենոիդ գերի ստրուկների ու նրանց գործունեության պատկերներով, փարավոնների դամբարաններում նշված ստրուկ խեթերի և արևելահայաստանյան երկարազանգ ու կարճազանգ մարդկանց դամբարանների պեղումներով⁶:

Հայերի մարդաբանական տիպի հետ իրենց մորֆոլոգիական որոշ հատկանիշներով առնչվում են Սևանա լճի առափնյա հատվածներում շուրջ 2000 տարի առաջ ջրի տակ անցած դամբարանաբլուրներում գտնված, տարբեր ցեղախմբերի ոսկրաբանական նյութերը: Դամբարանաբլուրները կառուցվել են բազալտե սալերով, նրանց խորությունը 3 մ է, լայնքը 3 մ, երկարությունը 8 մ: Կան և ավելի փոքր կրումլեխներ: Դամբարանաբլուրներում գտնվել են երկանիվ ու քառանիվ, փայտե, հինարևելյան տիպի սալեր, եռագույն զարդաբանդակներով ու երկրաչափական գծանկարներով, խմիրչի, ճաշիչ և ծեսի հետ կապված կավե թրծած սափորներ, ափսեներ: Պեղվել են ոսկե զարդաբանդակներով, պարանոցը զրկող մանյակ, ձեռքի օձազրուխ ապարանջան, քարազարդ ճարմանդներ, ոսկե կոճակներ: Դամբարանաբլուրներից մեկում հայտնաբերվել է գորտի ոսկե կաղապար, ինչպես նաև բազմաթիվ սափորների մեջ գտնվել են գորտերի (*Rana esculenta* L.) ազդոսկրերի մնացորդներ, որոնք որպես սնունդ դրվել են հանգուցյալի հետ. հավանաբար գորտը եղել է պտղաբերության ու անձրևի հետ կապված պաշտամունքի առարկա, ինչպես Ասորեստանում պապիրուսի և ջրի հետ կապված մորեխը, որը հրամյցրվում էր որպես գրավիչ ուտելիք⁷ (նկ. 5):

Մեծ դամբարաններից մեկում թաղվել են մինչև 12 մարդ: Հայտնաբերվել է մեկ խոշոր դանդ, տեղավորված սալի առջևում, որ հավանաբար ցեղապետինն է և կնոջ ու երեխաների, իսկ սալի հետին մասում՝ ստորադրյալների (ծառանք, ստրուկներ) զանգեր: Մի քանի կմախքներ ծածկված են կարմիր կավաքարով (օխրա), իսկ որոշ դամբարաններում գտնվել են միայն զանգեր, որ հավանորեն կապ ունի որևէ ծեսի, պաշտամունքի կամ հանցագործության հետ: Տոտեմիզմի հետ կապված, դամբարաններում թաղվել են միասմբակ և երկսմբակ, ինչպես և գիշատիչ կենդանիներ. այսպես, լճաշենում ցեղապետերի ու ալ իշխանավորների հետ զոհաբերվել են մեծ քանակությամբ ձիեր, էշեր, խոշոր ու մանր եղջերավոր անասուններ, խոզ, շուն:

Սևանի զանգաբանական նյութերն ու մշակույթը կապված են Առաջավոր Ասիայի մշակույթի պատմության ու մարդաբանության հետ, որը իր հերթին համեմատվում է Արևելյան Նվրոպայի բրոնզի և վաղ երկաթի (մ. թ. ա.

⁶ В. В. Бунак, Срапа арменца. Исследование по антропологии Передней Азии. М., 1927, с. 198—207.

⁷ И. А. Порчинский, Паразиты саранчи, прусака и вредных видов кобылок из мира насекомых, СПб, 1914, с. 67.

XI—IX դդ.) դարաշրջանների հուշարձաններից պեղված գանգաբանական նյութերի ու հանույթի հետ: Լճաշենից պեղվածները երկարագանգ են, միջին ցուցանիշը՝ 72, վերհոնքային աղեղները լավ արտահայտված, կամարների ուռուցքները ներսի կողմից թանձրավուն, ալտոսկրները չափավոր դուրս ցցված, ճակատային հատվածի մատնապճերից երևում է, որ ուղեղի առջևի մասը թույլ է եղել զարգացած: Պեղածոների մեջ գերակշռել են տղամարդ-



Նկ. 5



Նկ. 6

կանց ոսկորները, կան և պատանիների ու ծերերի: Գանգերը ամբողջական են, դեմքը բարձր, միջին լայնության, ակնակապիճները կլոր և բարձր, ծոճ-րակային արտաքին թմբիկը արտահայտված, այն որոշ չափով սեռը բնորոշող հատկանիշ է: Ստորին ծնոտը հաստ է, թևերը երկար են: Դամբարաններից մեկում հայտնաբերվել է գանգին կպած սև մազ, պետրոֆիկացված փոքր գանգուղեղ: Առաջնատին—սագիտալ գծանկարները ցույց են տալիս գանգատուի ձևն ու մակերեսը, գանգերը մեծ մասամբ համաչափ են, ատամնաշարը լավ պահպանված՝ խոշոր, ոմանց մոտ իմաստության ատամները բացակայում են: Կրոմլեկներից մեկում պեղվել է 20—25 տարեկան տղամարդու գանգ, որի կաթնատամները պահպանվել էին, իսկ մեկ այլ դամբարանում պեղվեց մի գանգ, որի մոտ ընայած կաթնատամները թափվել էին, սակայն վերջնական ատամները նույնիսկ չէին ծլել: Սևանի ավազանից պեղվածները մեծ մասամբ երկարագանգ—ուղղագանգեր են, քթային միջին ինդեքսը 49, կան և ալելի բարձր քթերով: Բարձրահասակ են, գլուխները խոշոր, գանգի ոսկորները մասսիվ, կմախքի ոսկորները թանձր, ձեռքերն ուռուցիկ են, երկար:

Դամբարաններից ու անձավներից պեղված մարդաբանական նյութերը վկայում են, որ Հայաստանի տարածքում բնակվող տեղաբնիկներն իրենց ժնտո-ֆիզիոգենետիկ առանձնահատուկ տեղ են գրավում Առաջավոր Ասիայի հարավային եվրոպեոիդ ռասայի շարքում: Արմենոիդների քթի տանձաձև անցքի եզրերի ոսկորները սուր են՝ մեծ մասամբ զերակշռում է անթրոպինա ձևը, սակավ՝ ինֆանտիլ: Գանգերը մեծ մասամբ պենտագոնոիդ, սակավ՝ էլիպսոիդ ու օվոիդ են, ճակատային հատվածը ցածր է, գանգի միջին տարողությունը 1500 սմ³ (նկ. 6):

Սևանի ավազանի մարդաբանական տիպը, ինչպես նաև միջերկրածովյան առաջավորասիական արմենոիդ տիպը, խիստ հին է: Վերջինս իր էթնոգենետիկ միջերկրականի ավազանում շատ ավելի վաղեմի է, քան մի քանի եվրասիական ցեղեր՝ թրակացիներ, հելլեններ, իրանցիներ և այլն, որոնք համեմատյալապես ասիմիլացիոն ազդեցություն չեն գործել արմենների վրա: Մարդաբան կուշանն առաջինն էր, որ զուգահեռներ անցկացնելով եգիպտական, խեթական, հունա-հելլենական, արաբա-բյուզանդական, Մերձավոր ու Միջին Արևելքի ասուրական բարձրաքանդակների մարդկային պատկերների և ժամանակակից հայերի միջև՝ Առաջավոր Ասիայի այդ տիպը անվանեց հայակերպ՝ Armenoid, որը օժտված է խեթերին բնորոշ մի քանի հատկանիշներով: Նա նկատի ունեւր մարմնի մազածածկույթն ու մորուքը, գանգի ձևն ու քթի բարձրությունը: Վաղ միջնադարում Հայկական բարձրավանդակում կլորագանգությունը ավելի ցայտուն է դառնում: Կլոր գանգի ձևավորման խնդրում էթնիկ սովորությունները, զենեատիկան, էկոլոգիական կոմպլեքս միջավայրը որոշիչ գործոններ էին:

Պրոֆեսոր Վ. Վ. Բունակը 1927 թ. հիմնավորեց հայերի անթրոպոլոգիական տիպի ծագումն ու ազգային կազմավորման պրոցեսը, որոշեց նրա տեղը մարդաբանական տիպերի ու ռասաների շարքում: Նա փաստեր է բերում ապացուցելու այդ տիպի խիստ նախնադարյան, առաջավորասիական կամ, ինչպես ինքն է անվանում, «պոնտո-գաղութային» տիպ լինելը⁸:

Փոքր Ասիայում, Զինջիրլիի Բողաղքյարի պեղումները կատարող պրոֆեսոր կուշանը իր աշխատանքում (1911) գրում է. «Արմենների մարդաբանական տիպը առաջացել է Անատոլիական բարձրավանդակի այդ հնադույն ժողովուրդներից»⁹: Նա բերում է նկարագրական փաստեր պատկերներով՝ խեթերից հարավ-արևելք, Ասորեստանում պեղված գանգերը դասակարգելով, ռասայագետ Դենիկերը դրանք անվանեց հայերի ասիոիդ մարդաբանական տիպ: Նկարում պատկերված խեթի գոտու վրա կախված է խաղողի ողկույզ և նուր՝ Թագավոր Ասսուրնասիրպալը, որ տիրել է մինչնինվեյան թագավորությանը (մ. թ. ա. II հազարամյակի սկիզբ)՝ խեթ է: Ասորեստանի թագավոր Ասսուրբանիպալի (մ. թ. ա. 667—647 թթ.) նկարում պատկերված կարճազուլի, գրացիլ տիպի, ասուրական մորուքով, խիստ մազապատ դեմքերով երկու մատուցողները խեթեր են (տե՛ս նկ. 5):

Բաբելոնյան դիմաքանդակներում հանդիպում են թագավոր Մորդուխ-նադիի (մ. թ. ա. II հազ. սկիզբ), թագավոր Ուր-Նինայի պատկերները. սափրած դեմքով, արծվաթիթ, պառկած ճակատով այդ մարդիկ արմենոիդ են: Մո-

⁸ В. В. Бунак, *Изд. арх.*, էջ 221—224:

⁹ S. R. Kherumian, Introduction a l'anthropologie du Caucase. Les Armeniens, Paris, 1943, p. 263.

տավորապես մ. թ. ա. 2600 թ. Գուդեա թագավորի ժամանակվա սեմական տիպերի (պեղածո) ճակատը ուղիղ է, քիթը բարակ, գլուխը կլորավուն: Մարդաբանական այդ տիպը ևս խիստ վաղեմի է, բայց հավանաբար առնչություն ունի արմենոիդի հետ: Մյուս պեղածոն արմենոիդ է, ուժեղ արտահայտված քթով, ծոծրակը տափակ, ճակատը պսակած:

Հայկական լեռնաշխարհի, հայ ժողովրդի մշակույթը հնագույն ժամանակներից սերտորեն կապված է եղել հինարևելյան, հունա-հելլենիստական, իրանական և մյուս քաղաքակրթությունների հետ, սակայն եթե արմենոիդին համեմատենք արքեմենյան պարսիկի հետ, ապա կտեսնենք, որ վերջինիս հասակը համեմատաբար կարճ է, գլխի մազածածկը խիստ գանգուր, քթի ստորին հատվածը ծուռ: Պարսիկներից առաջ Իրանի տալաթի մի մասում (էլամում) ապրել է հավանաբար տեղաբնիկ ցեղ՝ օժտված արմենոիդի հատկանիշներով. նրանք մինչև լեռնական շրջանում ապրել են նաև Միջերկրական ծովի որոշ կղզիներում և մասնավորապես Հելլադայի հարավային մասում: Լազաշում պեղվել են շումերական, արխաիկ, իրար նման երկու գլուխներ: Գառնիում անտիկ դամբարաններից մեր պեղածոները երկարազանգ են, միջնադարյանները՝ կլորազանգ: Պեղվել են և Էրկհարկանի դամբարաններ՝ առաջին հարկում հայտնաբերվել են երկարազանգ, իսկ երկրորդում՝ կլորազանգ մարդկանց կմախքներ: Միջնադարյան դանդերը առաջավորապես ակադեմիկական տիպի են՝ ծոծրակը տափակ, դեմքը նեղ ու բարձր, ակնակապիճներն ու քիթը՝ բարձր: Նեոլիթի էնեոլիթյան դամբարաններից պեղված գանգերի ակնակապիճները կարծես քառակուսի են և մասամբ կախ, դեպի դուրս, ճակատոսկրը բավականին լայն, թեթևությունը փոքր, գանգատուփը երկար, դեմքը բարձր, լայնությունը միջին: Հավանաբար, այստեղ ապրել են կրոմանոիդի հատկանիշներով օժտված տեղաբնիկներ, որոնք մոտենում են Անդերկովկասում ու Առաջավոր Ասիայում պեղված նմուշներին, ինչպես և ժամանակակից հայերի որոշ տարբերակներին: Տիպաբանական տեսակետով Արեւմելյան Վրաստանի նույն ժամանակի դանդերը մոտ են կանգնած Գառնիում պեղված բավականին բարձր գանգերին. մեր ուսումնասիրած գանգերի դեմքի բարձրությունը ավելին է:

Հրազդանի կիրճի նախապատմական շրջանի ժայռապատկերները պեղածո մարդու քարե տարեգրություն են: Քարերը նկարագարված, փորագրված են գեղեցիկ այծադրերով, որոնցում արտահայտվել են մարդու պատկերացումները աշխարհաստեղծման և տիեզերքի մասին, նրա հովանավորները՝ կենցաղն ու աշխարհըմբռնումը:

Հնագույն Հրազդանի կիրճի ուսումնասիրությունը նոր է սկսվել, բայց այն, ինչ արդեն պարզ է գիտություն համար, մասամբ լույս է սփռում Հայկական լեռնաշխարհի բնիկների այդ ունեցած տնտեսական կյանքի, կրոնի, մշակույթի և սովորությունների վրա, որոնք գոյություն են ունեցել մինչ քրիստոնեությունը և քրիստոնեությունից հետո: Այսօր արդեն Հրազդանի կիրճում հայտնաբերված են սակավաթիվ խորաքանդակներ. տուֆ քարի վրա փորագրված են սկավառակաձև յոթ ուռուցիկ և հինգ գոգավոր ճառագայթներ, որոնց նշանակությունը առայժմ դժվար է բացատրել: Մեկ ուրիշ տուֆի վրա քանդակված են վագր, մարդ և արևը իր ճառագայթներով: Հսկա տուֆե ժայռաբեկորի երկու կողմերում կան կենդանուն կապելու անցքեր, փորված դահասեղանի վրա սուր գործիքով այծապատկեր է արված, որը գուցե մարդու

առաջին փորագրութիւններէն է: Մեծ կարմիր տուֆի վրա հավերժացած է արագիլի պատկեր և այլն: Այս ամենը հավանորեն նշանակում են, որ այստեղ ապրել են հայերի նախնիները:

Ամփոփելով, կարելի է ասել, որ ներկայումս Կաբևոր խնդրներից մեկը պետք է համարել Հայկական լեռնաշխարհի քարայրներում նախնադարյան ժամանակներից եկող ու դեռևս սահմանված, տգային հետադարձ տիֆի օջախների իսպառ ոչնչացումը. մասնավորապէս՝ Հրազդանի կիրճում: Տգային սպիրոխտոզը ոչնչացնելով մենք հնարավորութիւն կունենանք զբաղվելու Հրազդանի բրածո մարդու անձավ-կացարաններում բուն դրած այլ վտանգավոր ռիվաւդութիւնների վերացման հարցերով:

Պետք է ենթադրել, որ բարենպաստ էկոլոգիական պայմանների շնորհիվ պալեոհրազդանի կիրճը, հավանաբար, հանդիսացել է հոմինիդի ծագման, զարգացման, բնակութեան և նրա ստեղծած մշակույթի բնօրրաններից մեկը:

Երևանի տարածքում Հրազդանի կիրճի որոշ անձավներում շարունակվում են պեղումները, հուշարձանների և բնակավայրերի կոլտուրական շերտերի խոր հետազոտութիւնները, որոնք անկասկած իրենց պալեոանտրոպոլոգիական նոր հայտնադործութիւններով կլուսաբանեն հալ մարդու օնտոգենեզի, ֆիլոգենեզի և նրա էկոլոգիական միջավայրի հետ կապված բազմաթիվ չլուծված հարցեր:

ИСКОПАЕМЫЙ ЧЕЛОВЕК И ЕГО ЭКОЛОГИЯ В ПЕЩЕРАХ-ОБИТАЛИЩАХ В КАНЬОНЕ РАЗДАНА

Г. А. АЗИЗЯН

(Резюме)

Недалеко от Еревана в каньоне р. Раздан, в пещерах, гротах, нишах и под навесами на разных уровнях нами были обнаружены шельские, ашельские, мустьерские и верхнепалеолитические изделия. Человек палеолита изготавливал обсидиановые, базальтовые, порфириновые, кремневые орудия. В пещере Амо-1 найдены два человеческих костяка верхнего палеолита, обсидиановый ашельский бифас-рубило, единственный известный в пределах СССР. В пещере Амо-2 обнаружены порфириновые и базальтовые орудия (рубило, остроконечники), а в пещере Зовуни—обсидиановая пластинка с выемками.

По-видимому, гоминиды обитали в неантропогенном ландшафте Еревана и до образования четвертичных вулканических пещер, судя по ряду окаменелых костных остатков птиц, животных и человекоподобного существа, выкопанных из свода пещеры Зовуни. Следует подчеркнуть различную степень их фоссилизации на грудной кости гоминида отмечаются рассасывания, на крестцовой кости с левой стороны—уменьшение костной структуры (лизис). Палсореентгенографическое изучение костного материала из пещеры Амо-1 выявило анкилоз и неравномерное склерозирование плечевого сустава и лопатки; аналогичные изменения определяются на фрагментах костей предплечья и ключицы. У эксгумированного скелета имелся хронический остеомиелит, кариозные зубы.

Опытами по кормлению клещей доказано, что клещ *O. verrucosus* имеет давние связи с пещерным человеком: в древнепещерных очагах клещевого возвратного тифа в каньоне р. Раздан основным его переносчиком был этот клещ.